

雲南通志

72
1-3

310
39
306



天文志一

地志專言地理與天文固無與也顧在地成形者必在天成象故求輿地之南北差於北極高度驗之求輿地之東西差於東西偏度驗之蓋地遠不可測而以麗於天者測地則地之經緯不爽然此猶以輿圖言之非專屬天文也若夫言分野則天以地分言氣候則天因地異祥異屬五行雖不隸乎天而漢書志五行列乎天文之次則亦天文類也分野之說不足盡信而紀氣候以慎節宜紀祥異以備修省亦奉若

雲南通志

卷一

天文志一

分野一

天道之一端云志天文

分野

周禮保章氏以星土辨九州之地所封之域皆有分星以觀妖祥而分野之說以輿班固作地理志以十有二次分十有二國附載於後厥後志地輿者皆沿成例而分野一門遂成不可缺之令典顧其說率多附會難據如益州蜀也而以爲魏分兗州衛也而以爲鄭分其他大都類是後之人求其故而不得於是又有爲山河兩戒之說者以天漢言分野謂天自爲天地自爲地以氣分非以形分說似可通而究之憊

恍無據未足爲至當不易之論鄭康成注周禮以爲其書亡矣堪輿雖有郡國所入度非古數也此言足發千古之覆我

高宗純皇帝

欽定熱河志力闢分野之謬使數千年膠葛一旦廓清

聖訓聿昭此真萬世所當遵者今謹折衷而條舉之爲後之言分野者備覽觀焉

〔史記天官書東井輿鬼雍州〕

謹按史記雍州不載郡國名尙有觜觿參益州雲南本屬益州地似亦可以觜觿參分野然史記實原本皇經與漢書以下大略相同星經益州觜觿參爲魏分其分郡爲河內陳留汝南說已誤而史記別無異

雲南通志

卷一

天文志一

分野二

論則自然以井鬼分滇其誤與漢書等同詳後

〔又〕二十八舍主十二州斗秉兼之所從來久矣秦之疆

也候在太白占於狼弧

謹按斗秉兼之謂以北斗分主九州說詳春秋文耀鉤及劉昭後漢書天文志註所引星經其以太白分秦與熒惑分吳楚辰星分燕齊歲星分宋鄭辰星又分晉以五緯言分野又另爲一說西南無分其意或亦同在秦域然辰星旣分燕齊又分晉說殊遷就填星不以分亦不可解

〔又〕及秦并吞三晉燕代自河山以南者爲中國中國於

四海內則在東南爲陽陽則日歲星熒惑填星占於街南畢主之其西北則胡貉月氏諸衣旃裘引弓之民爲陰陰則月太白辰星占於街北昴主之

聖

人所以釐而正之也

謹按此以街南街北分七政又分野之一說西南無分想其意自屬街北各志書言分野者僅鈔錄十二次十二國此等皆不之及然其說究亦難通上既以齊分辰星此又云河山以南者中國分歲星熒惑填星則齊又屬歲星熒惑填星矣此處既以歲星熒惑填星屬中國太白辰星屬胡貉月氏諸衣旃裘引弓之民而下文又云太白金主中國其說皆自相矛盾蓋術數家言半屬穿鑿附會是以輾轉遷就而卒不可通此

春秋緯文耀鉤布度定記分州繫象華岐以西龍門積

石至三危之野雍州屬魁星 荆州西南至岷山北

嶺鳥鼠梁州屬開星

謹按此以北斗七星分九州與史記斗秉兼之義合其曰荆州西南至岷山北嶺鳥鼠為梁州則滇南在其境內說又與各處以滇南屬雍州者不同又謹按緯書半起於西漢之末非三代遺書故列史記

雲南通志

卷一

天文志一

分野三

後

春秋緯元命苞東井鬼星散為雍州分為秦國得東井

動深之萌其氣陰也觜參流為益州益之言隘也謂

物類竝決其氣急切決裂也

謹按元命苞各州俱有分國惟益州與兗州無分是蓋明知以魏分益以鄭分兗之非故缺之耳其究應屬何國仍未明言也不云某星屬某州而云某星散為某州流為某州以氣言不以地言似已開一行之先餘州與史記大略相同而亦不無少異如以牽牛屬揚州而無婺女又無斗江湖以軫為荆州而無翼又無柳七星張三河以天弓星為徐州而非奎婁胃以五星為兗州而非角亢氏以鉤鈐星為豫州而非房心以箕星為幽州而無尾以營室為并州而無東壁此皆其異者也至以并州分衛則猶是當日相沿之誤矣

越絕書秦故治雍今內史也巴郡漢中隴西定襄太原

安邑東井也

謹按此秦分野有東井而無輿鬼其分郡又無犍為益州夜郎等郡是雲南無分矣觜宿分晉為代郡常山中山河間廣平等郡又非益州魏分河內陳留汝南等郡其餘所分列國亦多不全未知何故

星經太白血華陰山涼州雍州益州

謹按此以太白血華說與史記同第雍州益州亦未知如史漢所分否又謹按此星經非黃帝甘石星經下文有永昌郡考永昌郡立於後漢明帝時當是明帝以後人作故錄列於此

又玉衡者謂斗九星也第二星主益州常以五亥日候之乙亥為漢中丁亥為永昌己亥為巴郡蜀郡牂柯辛亥為廣漢癸亥為犍為凡七郡

雲南通志

卷一

天文志一

分野四

謹按此亦與史記斗秉兼之及文耀鉤之說同第文耀鉤主璇璣等七星言此主玉衡九星言又有不同然北斗實無所為玉衡九星也其言分野有益州而無雍州益州所主為巴蜀西南諸郡若汝南屬豫州陳留屬兗州較諸書為有理惟以無憑之九星分屬為不可耳

漢書天文志東井輿鬼雍州

謹按此條與史記天官書同

又庚辛華山以西一曰庚秦辛西夷 又午秦

謹按此以十干十二支分野是分野之又一說也

又秦之疆候太白占狼弧 又其西北則胡貉月氏旃

裘引弓之民為陰陰則月太白辰星占於街北昂主之

謹按此二條竝同史記天官書

漢書地理志秦地於天官東井輿鬼之分野也其界自

宏農故關以西京兆扶風馮翊北地上郡西河安定

天水隴西南有巴蜀廣漢犍為武都西有金城武威

張掖酒泉敦煌又西南有牂柯越嶲益州皆宜屬焉

自井十度至柳三度謂之鶉首之次秦之分也

謹按分野之說前此言及者雖多而分州分國分郡分度分次之至詳且備者無如此書故後之言分野者咸以此為祖然其不可信者有四焉井鬼南方之宿也而以爲雍州秦分則又在西北矣尾箕東方之宿也而以爲幽州燕分則又在北方矣斗牛女北方之宿也而以爲揚州吳越分則又在東南矣虛危亦北方之宿也而以爲青州齊分則又在東方矣奎婁胃西方之宿也而以爲徐州魯分則又在東方矣昴

雲南通志

卷一

天文志一

分野五

畢亦西方之宿也而以爲冀州趙分則又在北方矣此不可信一也益州爲魏分則又在冀豫之域兗州爲韓分則又屬雍豫之疆并州爲衛分又何以在兗州之域紛紜顛倒莫此爲甚其不可信二也魏分郡有河南之中牟陽武酸棗卷全氏祖望地理志稽疑云河南之中牟在滎陽屬韓不屬魏魏所有乃河北之中牟本屬趙自惠王徙大梁後趙以中牟易魏浮水陽武酸棗卷皆是韓分而誤以入魏者也周分柳七星張爲河南雒陽穀城平陰偃師鞏緱氏此皆以東周言王應麟地理通釋謂武王伐殷歲在鶉火伶州鳩曰歲之所在我有周之分野蓋指鶉火爲西周豐岐之地今乃以當東周周平王以豐岐之地賜秦襄公而其分星乃謂之鶉首何也韓與鄭同分又與陳同分全祖望云爲此說者蓋見漢初韓王信都陽翟而兼有淮陽故意陳之屬韓而不知非也陳自當屬楚無可疑者况襄王東徙後陳固楚都也至秦分郡宏農故關以西京兆扶風馮翊北地上郡西河安定天水隴西金城是矣巴蜀廣漢犍為武都西河安王滅而有之謂之爲秦亦尚可也若武威張掖酒泉敦煌竝故匈奴休屠昆邪兩王地漢武帝元狩太初

等年開秦無有也犍為為故大夜郎國開於漢武建元六年武都為故白馬氏國開於漢武元鼎六年秦亦無有也他如越雋益州牂柯三郡為今滇與黔地益州為故滇國開於武帝元封二年越雋為故印都國開於武帝元鼎六年牂柯為故夜郎國亦開於元鼎六年竝在犍為武都等郡南又何為而隸秦乎况華陽黑水為梁州辭季宣書古文訓謂黑水即瀘水胡渭禹貢錐指蔣廷錫禹貢地理今釋竝從之是梁州南以瀘水為界即金沙江其江以南越雋之遂久青蛉姑復濶街及益州牂柯二郡竝在梁州微外為言分野者所不及班固強以漢所開諸郡分屬之漢郡所不及如今景東鎮沅普洱元江等處仍遺之此疆域界限之不清其不可信三也以井十度至柳鶉首初井十六度芒種中井三十一度夏至終於柳八度是又用三統秬矣三統與四分差五度此之謂歲差言前漢分野似宜用三統不宜用四分以四分始用於後漢章帝元和二年故也然兩漢以前實不知歲差戴氏震書補傳云唐虞時冬至日在虛五六度至周冬至日躔星紀周初日在牽牛月令仲冬日

雲南通志

卷一

天文志一

分野六

在斗此歲差有明徵也三統秬不知此乃泥冬至起牽牛之說於武帝太初元年冬至日已在斗二十一度四分度之一石氏星經曰黃道規牽牛初直斗二十度去極二十五度於赤道斗二十一度則黃道實井十六度而注秬猶用牽牛實差五度是所謂鶉首初冬至日在斗二十度百一十分黃道為斗十九度則既正三統之失復退一度四分度之一為自太初至元和百餘年之歲差其法甚善但星紀過宮不在冬至而在大雪鶉首過宮不在夏至而在芒種異於今西人中氣過宮之說且必更一秬始更一斗分而不知歷年遞差之法則度分仍不能準班固尚不知更斗分之故故或用三統或用四分信手拈來其不可信四也

淮南子星部地名東井輿鬼秦

謹按此與史記同

蔡邕月令章句自井十二度至柳三度謂之鶉首之次

芒種夏至居之秦之分野

謹按此同漢書地理志用四分
秭其不知歷年遞差法亦同

皇甫謐帝王世紀自井十六度至柳八度曰鶉首之次

於辰在未今秦分野

謹按此又用三統不用四分其意以四分改三
統為非故仍用三統而不知三統不合天之故

劉熙釋名東井輿鬼秦

謹按此亦
與史記同

晉書天文志自畢十二度至東井十五度為實沈於辰

在申魏之分野屬益州費直起畢九度
蔡邕起畢六度自東井十六

度至柳八度為鶉首於辰在未秦之分野屬雍州費直

雲南通志

卷一

天文志一

分野七

起井十二度蔡
邕起井十度

謹按晉書仍用三
統秭不用四分

又州郡躔次陳卓范蠡鬼谷先生張良諸葛亮譙周京

房張衡竝云觜參魏益州廣漢入觜一度越雋入觜

三度蜀郡入觜一度犍為入參三度牂柯入參五度

巴郡入參八度漢中入參九度益州入參七度

謹按此州郡躔次又與諸書不同益州觜參為魏分
而所入郡為廣漢越雋蜀郡犍為牂柯巴郡漢中益

州是雲南又為觜參分野與漢書屬雍州井鬼分者
不同殆知前人之非而雜取緯書以意為更改者究

難盡
信也

新唐書天文志初貞觀中淳風誤法象志因漢書十二

次度數始以唐之州縣配焉而一行以爲天下山河之象存乎兩戒北戒自三危積石負終南地絡之陰東及太華逾河竝雷首底柱王屋太行北抵常山之右乃東循塞垣至濊貊朝鮮是謂北紀所以限戎狄也南戒自岷山嶓冢負地絡之陽東及太華連商山熊耳外方桐柏自上洛南逾江漢攜武當荆山至於衡陽乃東循嶺徼達東甌閩中是謂南紀所以限蠻夷也故星傳謂北戒爲胡門南戒爲越門河源自北紀之首循雍州北徼達華陰而與地絡相會竝行而東至太行之曲分而東流與涇渭濟洛相爲表裏謂

雲南通志

卷一

天文志一

分野八

之北河江源自南紀之首循梁州南徼達華陽而與地絡相會竝行而東及荆山之陽分而東流與漢水淮瀆相爲表裏謂之南河故於天象則宏農分陝爲兩河之會五服諸侯在焉自陝而西爲秦涼北紀山河之曲爲晉代南紀山河之曲爲巴蜀皆負險用武之國也自陝而東三川中岳爲成周西距外方大伾北至于濟南至于淮東達鉅野爲宋鄭陳蔡河內及濟水之陽爲邶衛漢東濱淮水之陰爲申隨皆四戰用文之國也北紀之東至北河之北爲邢趙南紀之東至南河之南爲荆楚自北河下流南距岱山爲三

齊夾右碣石爲北燕自南河下流北距岱山爲鄒魯南涉江淮爲吳越皆負海之國貨殖之所阜也自河源循塞垣北東及海爲戎狄自江源循嶺徼南東及海爲蠻越觀兩河之象與雲漢之所終始而分野可知矣於易五月一陰生而雲漢潛萌於天稷之下進及井鉞間得坤輿之氣陰始達於地上而雲漢上升始交列宿七緯之氣通矣東井據百川上流故鶉首爲秦蜀墟得兩戒山河之首雲漢達坤輿右而漸升始居列宿上 近代諸儒言皇土者或以州或以國虞夏秦漢郡國廢置不同周之興也王畿千里及其

雲南通志

卷一

天文志一

分野

九

衰也僅得河南七縣今又天下一統而直以鶉火爲周分則疆場舛矣七國之初天下地形雌韓而雄魏魏地西距高陵盡河東河內北固障鄴東分梁宋至於汝南韓據全鄭之地南盡潁川南陽西達虢略距函谷固宜陽北連上地皆綿亘數州相錯如繡考雲漢山河之象多者或至十餘宿其後魏徙大梁則西河合於東井秦拔宜陽而上黨入於輿鬼方戰國未滅時星家之言屢有期效今則同在畿甸之中矣而或者猶據漢書地理志推之是守甘石遺術而不知變通之數也又古之辰次與節氣相係各據當時秭

數與歲差遷徙不同今更以七宿之中分四象中位
自上元之首以度數紀之而著其分野其州縣雖改
隸不同但據山河以分爾初東井十二度餘二千一
百七十二秒十五太中東井二十七度終柳六度自
漢三輔及北地上郡安定西自隴坻至河右西南盡
巴蜀漢中之地及西南夷犍爲越巂益州郡極南河
之表東至牂柯古秦梁幽芮豐畢駘杜有扈密須庸
蜀羌髳之國東并居兩河之陰自山河上流當地絡
之西北輿鬼居兩河之陽自漢中東盡華陽與鶉火
相接當地絡之東南鶉首之外雲漢潛流而未達故
狼星在江河上源之西弧矢大雞皆徼外之備也西

雲南通志

卷一

天文志一

分野十

羌吐蕃吐谷渾皆占狼星

謹按一行屏去分州分國之說專據山河以分可以
無益州分魏兖州分鄭并州分衛鴈門上黨分雍及
分郡不當諸弊又以山河兩戒爲言據天漢起沒以
分諸宿謂以氣言不以山河兩戒爲言據天漢起沒以
星紀北而吳越南鶉首南而雍州西諸說之窮較從
前諸儒似爲有理後儒是之者有鄭樵六經奧論王
應麟地理通釋暨

國朝徐文靖山河兩戒考諸書然其說究屬恍惚難憑
是以非之者亦多如兩戒之說固本乎史記天官書
星第於河戒漢書天文志作星孛於河戒古曰南戒
爲越門北戒爲胡門戍與戒以形相似而誤猶之可
也而北戒自三危積石負終南地絡之陰南戒自岷
山嶓冢負地絡之陽則兩戒山河之首當在今青海
而以爲在秦蜀何也如謂彼以宏農分陝爲兩河之
會則秦蜀爲首是矣而又謂北紀山河之曲爲晉代
南紀山河之曲爲巴蜀則巴蜀又屬南戒抑又何也

巴蜀既屬南紀則西南夷犍爲越巂益州牂柯諸郡其屬南紀更可知而乃與秦蜀同分并鬼則皆爲兩戒之首又何也天漢古人皆以爲起自東方尾箕之間爾雅箕斗之間謂之漢津其明徵也今乃以爲起自東井謂東井據百川上流亦復何所據而云然乎則以井鬼配兩戒之首亦成其爲一行之臆說而已矣歲差之說始於晉虞喜至一行之時而已明分天自爲天歲自爲歲異乎漢書晉書之以節氣分十二次故其言曰古之辰次與節氣相係各據當時秭數與歲差遷徙不同已知其不可矣而乃以東井十二度餘二千一百七十二秒爲鶉首初柳六度爲鶉首終既不同乎三統又不同乎四分在乎二者之間又何所據耶考當一行時冬至日在斗十三度較四分已退七度一行既不用此則常追朔從前南方七宿分星之始赤道之正度方爲合法否則三代以後秭莫古於三統追而用之猶尙可也乃不出此而僅立乎三統四分之間斯真進退之無據矣且其所分之地以今輿圖考之北不出北極高四十二度以外南不出北極高二十度以外南北僅二十二度也東不出偏東十度之內西不出偏西二十度之內東西僅三十度也其餘三百數十度豈皆天所不覆乎總之

雲南通志

卷一

天文志一

分野七

一行欲盡翻史記漢書以來窠臼而其輾轉遷就仍不脫史記漢書範圍又未嘗盡數翻卻是以進退之皆不可如此也

舊唐書天文志東井輿鬼鶉首之次也未初起井十二

度二千一百七十五太中井二十七度二千八

百二十八一半終柳六度其分野自漢之三輔及北

地上郡安定西自隴坻至河右西南關巴蜀漢中之

地及西南夷犍爲越巂益州郡極南河之表東至牂

柯皆鶉首分也

謹按此與新唐書同

馬端臨文獻通考古梁州於天文兼參之宿亦秦之分

野古雍州其在天文東井輿鬼則秦之分野

謹按自唐以後言分野者大半遵一行馬端臨亦大略相同而於梁州兼參又似用古益州背參之說要亦隨意為說無定見也雲南地唐初尚屬羈縻天寶後暨南北宋不入版圖故通考言之亦甚略

管窺輯要井鬼即今之陝西四川雲貴之宜慰程番

謹按此以明之地分不用古郡國而大略亦本唐一行

周天易覽二十八宿分野井二十九度九十分入午三

十一至二十九貴州二十八至二十一雲南二十至

十四四川九至一陝西

謹按此分度不知何據不可解

明一統志分野雲南井鬼 雲南府井鬼 大理府井

雲南通志

卷一

天文志一

分野三

鬼 臨安府井鬼 楚雄府井鬼 澂江府井鬼

蒙化府 景東府 廣南府 廣西府 鎮沅府

永甯府 順甯府 曲靖軍民府井鬼 姚安 鶴

慶 武定井鬼 尋甸 麗江井鬼 元江 永昌

北勝州 新化州 者樂甸長官司 瀾滄衛

騰衝俱指揮 車里 木邦 孟養 緬甸 八百

大甸 老撾 大古刺 麓川 底馬撒俱宣慰司

孟定府 孟良府 南甸 干崖 隴川俱宣撫

司 灣甸州 鎮康州 大侯州 鈕兀 孟璉

茶山 麻里 芒部俱長官司

謹按明一統志大抵本大明清類天文分野書亦襲一行之遺說其以孟良爲孟良字誤各府州或書井鬼或不書其同一分野可知也

明史天文志分野雲南布政司所屬皆井鬼分

謹按此亦取洪武十七年大明清類天文分野書

大清一統志分野雲南布政司天文東井輿鬼分野鶉首

之次 雲南府天文東井輿鬼分野鶉首之次 曲

靖府天文東井輿鬼分野鶉首之次 臨安府天文

東井輿鬼分野鶉首之次 澂江府天文東井輿鬼

分野鶉首之次 武定府天文東井輿鬼分野鶉首

之次 廣西府天文東井輿鬼分野鶉首之次 廣

雲南通志

卷一

天文志一

分野 三

南府天文東井輿鬼分野鶉首之次 元江府天文

東井輿鬼分野鶉首之次 開化府天文東井輿鬼

分野鶉首之次 東川軍民府天文參井分野鶉首

之次 昭通府天文東井輿鬼分野鶉首之次 普

洱府天文東井輿鬼分野鶉首之次 大理府天文

東井輿鬼分野鶉首之次 楚雄府天文東井輿鬼

分野鶉首之次 姚安府天文東井輿鬼分野鶉首

之次 永昌府天文東井輿鬼分野鶉首之次 鶴

慶府天文東井輿鬼分野鶉首之次 順甯府天文

東井輿鬼分野鶉首之次 永北府天文東井輿鬼

分野鶉首之次 麗江府天文東井輿鬼分野鶉首之次 景
東府天文東井輿鬼分野鶉首之次

謹按一統志成於乾隆二十九年編纂諸臣尙沿舊說仍列分野一門伏讀乾隆三十九年

御製題毛晃禹貢指南詩註分野之說本不足信而災祥鄰於讖緯皆非正道迨乾隆四十六年

欽定熱河志遂芟去此門數千年勦說一旦廓清殆不啻如日月中天矣

康熙雲南通志分野東井八星輿鬼四星南方朱鳥七宿之首與日也按古秬法井宿赤道三十三度三十分黃道三十一度三分鬼宿赤道二度二十分黃道二度二十一分

雲南通志

卷一

天文志一

分野 古

皇清秬度井宿三十一度鬼宿五度皆屬未宮漢天文志起井十六度唐志起井十二度晉志與費直皆同唐志蔡邕起井十度明起井九度一十八分四十一秒皇清起井初度蓋以赤道分天之中亘古不易黃道爲日月五星之常道不能不因歲差而變易也論分野者惟以赤道爲準井鬼之星於分爲秦於野爲雍梁二州爲巨蟹宮爲鶉首未宮井宿則雨水昏中鬼宿則春分昏中

謹按井鬼宿度三統術井三十二度鬼四度專以赤道言淮南天文訓東井三十三與鬼四未言黃赤道四分術赤道井三十三鬼四黃道井三十鬼四魏黃初晉乾象宋元嘉祖冲之梁姜岌甲子元北魏正光

雲南通志

卷一

天文志一

分野五

甲子元隋張賓開皇劉焯皇極大業戊辰唐戊寅麟
 德竝同一行大衍秬改為赤道度東井三十三與鬼
 三黃道度東井三十與鬼二寶應五紀秬建中正元
 秬長慶宣明秬景福崇元秬後周顯德欽天秬遼大
 明秬竝同宋應天乾元儀天三秬赤道宿度同黃道
 井三十度鬼二度太崇天秬黃道鬼仍二度明天秬
 黃道鬼仍二度太哲宗觀天秬同徽宗紀元秬以太
 半少定度赤道井三十三度少鬼二度半黃道井三
 十度半鬼二度半淳熙會元開禧成天全大明秬元
 庚午元秬竝同元授時秬赤道井三十三度三分
 鬼二度二分鄭世子書赤道同授時黃道推萬秬二
 十一分甲午起七十二年井三十一度二分鬼二度
 十三分預推萬秬九十四年丙午起七十二年井三
 十一度二分預推萬秬九十四年丙午起七十二年井三
 十二度二分預推萬秬九十四年丙午起七十二年井三
 法以三百六十五度四分度之一計之井三十三度
 二十九分五十三秒鬼二度十五分黃道井三十三度
 二十五分鬼四度三十六分以三百六十五度四分
 度之一計井三十三度八十六分零二秒鬼四度六十

欽定秬

象考成前編黃道井三十三度二分鬼五度三十分
 二分以黃赤相求法用正弧三角形本天半徑為一
 率黃赤大距之餘弦為二率本宿距春秋分黃道經
 度之正切為三率推得四率為赤道經度之正切得
 赤道井三十三度三十四分三十七秒鬼四度三十
 九分三十七秒舊志所言宿度皆不合若鶉首過宮
 晉書以前已詳言之矣自虞喜始知歲差於是黃赤
 道過宮不同以赤道亘古不易黃道歷年遞差故也
 然赤道亦有歲差是以授時以來定有差率至明鄭
 世子書以井九度過鶉首宮
 本朝用弧三角法黃赤相求歷年經緯度皆有差亦竝
 非亘古不易舊志所言皆非

又星野辨周禮保章氏以星土辨九州所封之域其後

星經散亡惟漢地理志載分野始詳鄭康成十二次

之分大率因之晉天文志云班固取三統秣以十二次配十二野及費直周易分野蔡邕月令章句後魏太史令陳卓定郡國所入宿度固已詳言之矣而舊志載滇分野雜引星經卒無定論其曰太白金主益州蓋太白秦分神主華岳華山屬少陰萬物由此而化生故金星位焉又少昊爲白帝治西岳上應井鬼之精下鎮秦之分野故天官書曰秦之疆候在太白太白主秦晉巴蜀羌髡諸國梁雍以西之地皆屬焉是太白主益州之說蓋通秦蜀而言非專爲滇言之也又曰北斗第二星主益州星經以五亥夜候北斗第二星乙亥爲漢中丁亥爲永昌己亥爲巴郡牂柯辛亥爲廣陵癸亥爲犍爲觀象玩占曰北斗一星主秦二星主楚三星主梁四星主吳五星主趙六星主燕七星主齊則北斗第二星非專主益州分野明矣司馬遷曰觜觶參益州東井輿鬼雍州班固則秦地東井輿鬼之分其界盡於西南牂柯越巂益州固去遷未遠若以史遷之言爲然班固以同代史官不當更而定之矣又考四川成都井鬼分野入參一度順慶參井松潘疊溪觜參東川屬參是觜參固與滇無與矣而志滇者猶曰半屬觜參半屬井鬼又以迤東爲